

საერთაშორისო საფინანსო კორპორაციის (IFC) ადგილობრივი ოფისის დაარსების შესახებ შეთანხმების პროექტთან დაკავშირებით  
 უწყებების მიერ წარმოდგენილი  
 შენიშვნების განხილვის შედეგების ცხრილი

უწყება	დასკვნა	შენიშვნა
საქართველოს საგარეო საქმეთა სამინისტრო (17.12.2007 №2/20697-13)	შეთანხმების ქართულ და ინგლისურენოვან ტექსტებში, 2007 წლის 20 ივნისის ნაცვლად ჩაიწეროს «სპეციალიზირებული სააგენტოების პრივილეგიებისა და იმუნიტეტების» კონვენციასთან შეერთების ზუსტი თარიღი-2007 წლის 18 ივლისი;	გათვალისწინებულია
	შეთანხმების მე-3 აბზაცში «მთავრობის» ნაცვლად, ჩაიწეროს «საქართველოს მთავრობა»;	გათვალისწინებულია
	შეთანხმების მე-8 აბზაცში აღნიშნული უფლება, რომელიც ეხება IFC-ის ადგილობრივი ოფისის თანამშრომელთა კმაყოფაზე მყოფ პირებისათვის შრომის უფლების მინიჭებას, არ არის გათვალისწინებული როგორც «სპეციალიზირებული სააგენტოების პრივილეგიებისა და იმუნიტეტების» კონვენციით, ასევე «საერთაშორისო საფინანსო კორპორაციის ხელშეკრულებით»;	გათვალისწინებულია
	შეთანხმების მე-3 აბზაცი განასხვავებს საერთაშორისო და ადგილობრივად შერჩეულ კადრებს. აღნიშნულთან დაკავშირებით, შეთანხმების ტექსტში, მიზანშეწონილია დაკონკრეტდეს ვრცელდება თუ არა პრივილეგიები და იმუნიტეტები მხოლოდ საერთაშორისო პერსონალზე თუ ის ასევე ვრცელდება ადგილობრივად შერჩეულ კადრებზე;	არ არის გათვალისწინებული. მე-3 პარაგრაფში ნათლად არის განმარტებული რომ პრივილეგიები და იმუნიტეტები ვრცელდება საერთაშორისო პერსონალზე.

	<p>საქართველოს კანონმდებლობის თანახმად «ქ.თბილისში საერთაშორისო საფინანსო კორპორაციის ადგილობრივი ოფისის დაარსების შესახებ» შეთანხმება ექვემდებარება საქართველოს პარლამენტის მიერ რატიფიცირებას. შესაბამისად აღნიშნული შეთანხმების პროექტში უნდა განისაზღვროს შეთანხმების ძალაში შესვლის წესი;</p>	<p>გათვალისწინებულია</p>
	<p>შეთანხმების პროექტის ქართულოენოვანი ტექსტი შეიცავს მთარგმნელობითი ხასიათის შენიშვნებს ;</p>	<p>გათვალისწინებულია</p>
<p>საქართველოს იუსტიციის სამინისტრო (27.12.2007 №01/23/03-11455)</p>	<p>წარმოდგენილი წერილი თავისი ფორმით არ წარმოადგენს საერთაშორისო ხელშეკრულების პროექტს «საერთაშორისო ხელშეკრულებების შესახებ» ვენის 1969 წლის კონვენციის და «საქართველოს საერთაშორისო ხელშეკრულებების შესახებ» საქართველოს კანონის შესაბამისად. საერთაშორისო ხელშეკრულებას უნდა გააჩნდეს სათაური, ჰქონდეს პრეამბულა, ძირითადი და დასკვნითი ნაწილი, იგი დაყოფილი უნდა იქნას შესაბამისად თავებად, მუხლებად, პუნქტებად და ა.შ. საქართველოს იუსტიციის სამინისტროს მიერ სრულყოფილი სამართლებრივი დასკვნის წარმოდგენა შესაძლებელი იქნება შესაბამისი საერთაშორისო ხელშეკრულების პროექტის წარმოდგენის შემდეგ ;</p>	<p>არ არის გათვალისწინებული, ვინაიდან აღნიშნული დოკუმენტები არ აწესებენ საერთაშორისო ხელშეკრულების ხსენებულ ფორმას როგორც სავალდებულოს.</p>

	<p>წერილის შესამე აბზაცში აღნიშნულია, რომ მთავრობა კორპორაციის საერთაშორისო პერსონალზე, მათ მეუღლეებზე და მათ კმაყოფაზე მყოფ პირებზე გაავრცელებს არა ნაკლებ პრივილეგიებს, იმუნიტეტებს, გათავისუფლებებსა და შეღავათებს, რაც ვრცელდება ამ ქვეყანაში მოქმედი სხვა საერთაშორისო ორგანიზაციების პერსონალსა და დიპლომატიურ მისიებზე. როგორც წერილის მეორე აბზაცშია აღნიშნული იგი იდება « საერთაშორისო ფინანსური კორპორაციის წერილობითი ხელშეკრულების » საფუძველზე, რომელიც რატიფიცირებულია საქართველოს პარლამენტის მიერ. აქედან გამომდინარე, მიზანშეწონილია, პრივილეგიების, იმუნიტეტების და შეღავათების მინიჭება მოხდეს იმ მოცულობით, როგორც ეს განსაზღვრულია «საერთაშორისო ფინანსური კორპორაციის წერილობითი ხელშეკრულების» მე-6 მუხლში, რომლის თანახმად «წევრი ქვეყნების ტერიტორიაზე კორპორაციას მიენიჭება ის სტატუსი, იმუნიტეტი და შეღავათები, რომლებსაც განსაზღვრავს ხელშეკრულების აღნიშნული მუხლი»;</p>	<p>არ არის გათვალისწინებული, ვინაიდან «სპეციალიზირებული სააგენტოების პრივილეგიებისა და იმუნიტეტების» კონვენცია ითვალისწინებს საერთაშორისო პერსონალის მეუღლეებზე და მათ კმაყოფაზე მყოფ პირებზე შეღავათებს.</p>
	<p>წერილის მე-6 აბზაცში აღნიშნულია, რომ კორპორაციის ადგილობრივი ოფისის მოთხოვნის შემთხვევაში, მთავრობა ყოველგვარი ხარჯების გარეშე უზრუნველყოფს საჭირო ნებართვების, ლიცენზიების და სხვა უფლებების მინიჭებას, რათა ადგილობრივ ოფისს საშუალება ჰქონდეს გამოიყენოს მსოფლიო ბანკის ჯგუფის კერძო ტელეკომუნიკაციის ქსელი. «სალიცენზიო და სანებართვო მოსაკრებლების შესახებ» საქართველოს კანონის მე-8 მუხლის თანახმად მოსაკრებლის გადახდაზე შეღავათები (სრული ან ნაწილობრივი გათავისუფლება) კატეგორიების მიხედვით დგინდება მხოლოდ ამ კანონით. დაუშვებელია სალიცენზიო/სანებართვო მოსაკრებლის გადახდაზე ინდივიდუალური სახის შეღავათების დადგენა. აღნიშნულიდან გამომდინარე საჭირო იქნება შემოსესუნებულ კანონში ცვლილებების შეტანა. აქვე გაუგებარია და დასაზუსტებელია რა იგულისხმება ფრაზაში</p>	<p>არ არის გათვალისწინებული, ვინაიდან საუბარია მსოფლიო ბანკის ჯგუფის კერძო ტელეკომუნიკაციების ქსელზე, ხოლო IFC წარმოადგენს მსოფლიო ბანკის ჯგუფის ნაწილს.</p>

	<p>«სხვა უფლებების მინიჭება»;</p> <p>შეთანხმების პროექტის მე-10 აბზაცში აღნიშნულ საიდენტიფიკაციო მოწმობის გაცემას საქართველოს კანონმდებლობა არ ითვალისწინებს. «უცხოელთა სამართლებრივი მდგომარეობის შესახებ» საქართველოს კანონის მე-4 მუხლის მე-ნ პუნქტის თანახმად საქართველოს საგარეო საქმეთა სამინისტროს მიერ გაცემა სააკრედიტაციო ბარათი ამ კანონით განსაზღვრული პირობებისათვის, რომლის საფუძველზეც ისინი იმყოფებიან ქვეყანაში და კვეთენ საზღვარს.</p>	<p>არ არის გათვალისწინებული, ვინაიდან სააკრედიტაციო ბარათი, რომელსაც გასცემს საქართველოს საგარეო საქმეთა სამინისტრო მოიცავს იმ ინფორმაციას, რომელიც ნახსენებია წერილ-შეთანხმებაში.</p>
	<p>საქართველოს კანონმდებლობის თანახმად, საერთაშორისო საფინანსო კორპორაციის ადგილობრივი ოფისის დაარსების შესახებ შეთანხმების პროექტის რატიფიცირება უნდა მოხდეს საქართველოს პარლამენტის მიერ და ის ძალაში ვერ შევა საქართველოს ფინანსთა მინისტრის ხელმოწერით, როგორც ეს წერილის მე-11 აბზაცშია აღნიშნული. ამავე დროს, «საქართველოს საერთაშორისო ხელშეკრულების შესახებ» საქართველოს კანონის თანახმად, ხელშეკრულების ხელმოწერისათვის საჭიროა შესაბამისი შედასახელმწიფოებრივი პროცედურების განხორციელება და სათანადო უფლებამოსილების მინიჭება ხელშეკრულების ხელმოწერაზე.</p>	<p>გათვალისწინებულია</p>
<p>საქართველოს ეკონომიკური განვითარების სამინისტრო (04.02.2008 № 21/39 56/3-7)</p>	<p>მიზანშეუწონლად მიგვაჩნია წერილში აღნიშნული ადგილობრივი ოფისისათვის «ყოველგვარი ხარჯის გარეშე» რაიმე სახის ლიცენზიის და ნებართვის გაცემა;</p> <p>მიზანშეუწონლად მიგვაჩნია, რომ მთავრობის მიერ მოხდეს ადგილობრივი ოფისის ყველა თანამშრომელზე შესაბამისი საიდენტიფიკაციო მოწმობების გაცემა.</p>	<p>საუბარია მსოფლიო ბანკის ჯგუფის კერძო ტელეკომუნიკაციების ქსელზე და არა ახალი ქსელის ლიცენზიაზე, ხოლო IFC წარმოადგენს მსოფლიო ბანკის ჯგუფის ნაწილს.</p> <p>არ არის გათვალისწინებული, ვინაიდან სააკრედიტაციო ბარათი, რომელსაც გასცემს საქართველოს საგარეო საქმეთა სამინისტრო მოიცავს იმ</p>

		ინფორმაციას, რომელიც ნახსენებია წერილ-შეთანხმებაში.
საქართველოს შინაგან საქმეთა სამინისტრო (14.01.2008 №6/718-112)	პროექტი ტელეკომუნიკაციისა და ფოსტის საკითხებში საჭიროებს დახვეწას «სპეციალიზირებული სააგენტოების პრივილეგიებისა და იმუნიტეტების კონვენციის» შესაბამისად.	არ არის გათვალისწინებული ვინაიდან აღნიშნული მუხლი ფოსტის საკითხებში შეესაბამება «სპეციალიზირებული სააგენტოების პრივილეგიებისა და იმუნიტეტების» კონვენციას (კარი IV, მუხლი 11, 12).
	შენიშვნები არ გააჩნია	